

麻黃連節五分桔梗

甘草各一錢

黃芩

白姜蚕各三錢

馬兜勃兩一錢

桂枝少許

當歸身

水二鍾煎一鍾食後稍熱徐徐呷之

三因發聲散 咽痛煩悶咽物即痛不宜寒涼藥

過泄之此煩悶乃虛熱也

瓜蒌

一枚

白姜蚕

微炒五分

桔梗

半錢

甘草

炒三錢

右用細末少許乾摻咽喉中若腫痛左右有

紅或止一邊紅紫長大水米難下用此一錢

朴硝一錢和勻摻喉中咽津如喉中生赤腫

或有小白頭瘡用前散一錢七白礬細研五分乾

摻

三因蜜附子法 感寒咽閉不能咽

大附子

一枚

生去皮臍切作

去片蜜塗炙令黃

口含

嚥津

甘味

盡

更以附子片塗蜜灸用以効為度已上皆散寒之劑也

丹溪治咽痛諸藥不効者此非咽痛乃是鼻中生

一條紅線如髮懸一黑泡大如櫻珠垂掛到咽

門而止口中飲食不入雖用深取土牛膝根獨

條肥大者搗碎入好醋三五滴同研細滴入鼻

中二三點即系斷珠破土出瘀血立安

愚按治喉疾藥皆大同小異不過疎風清熱散毒破血激痰而已明乎此則凡單蛾雙蛾之症皆可類推也

丹溪噲化丸治痰結核在咽必用鹹能軟堅之味

瓜蒌仁青黛杏仁海蛤粉桔梗連翹風化散

右為末姜蜜丸噲化

梅核氣

生生子曰梅核氣者喉中介介如梗狀又曰痰結

塊在喉間吐之不出嚥之不下者是也丹溪噲

化丸正治此等症也

仲景半夏厚朴湯治婦人咽中如有炙臠

半夏升一厚朴兩三茯苓兩生姜各四兩蘇葉二兩

右以水七升煮取四升分温四服日三夜一

三子調氣丸治梅核氣

蘇子 白芥子 蘿卜子 半夏麩 滑石各飛

一兩前胡錢六桂心錢三黃芩各五錢生訶子錢三

桔梗錢七甘草錢四橘紅明瓦各二錢煮乾明粉二兩

右為末生薑汁少許竹瀝一碗打糊為丸菜
豆大食後白湯下一錢日三服

清咽益元丸

益元散

一兩

牛黃

五分

百藥煎

三錢

右以甘草桔梗煎濃汁為丸芡實大陰
乾噲化一丸妙

大七氣湯

治梅核氣極佳

方現氣

終

赤水玄珠第四卷目錄

腹痛門 腹痛 水鳴 小腹痛


脇痛門 脇痛

心痛門 心痛 胸滿 胸痛 胸痺 蟲痛

嘔吐噦門 嘔吐噦 胃風 惡心 嘔苦水

嘔沫 嘔膿 嘔長虫 酒嘔 嘔清水

腰痛門 腰痛



國家圖書館, NATIONAL CENTRAL LIBRARY, TAIWAN, R.O.C.

赤水玄珠第四卷

新安生生子孫一奎著輯

腹痛門

附水鳴小腹痛

生生子曰腹痛極要體認真切庶投劑有功有寒

熱脈沉而遲者寒有虛實脈散大而無力者虛

有痰涎脈滑者痰有積聚脈沉弦而伏者積有

虫痛脈多大作小有死血脈沉而澀

寒痛者綿、而痛無增減也以姜桂附子之屬温

之



NATIONAL CENTRAL LIBRARY, TAIWAN, R.O.C.

熱痛者時痛而或時吐也得熱物而痛止者蓋辛熱能沖開鬱結氣道踈通暫得少愈而陰血日虧燥火愈熾不久復發遷延歲月此為積熱輕者以山梔黃連白芍香附之類重者調胃承氣湯下之

虛痛者以手重按至痛處而止者是也宜參朮白芍加溫煖藥

實痛者手不可近按之愈痛或消或下詳症施治飲食所傷作痛者宜溫脾行氣以消導之蓋飲食

得寒則滯得熱則化若痛漸下及日久不愈者宜推蕩之詳見內傷飲食門

痰痛者必小便不利痰隔中焦氣閉下焦上下不相流通故痛治當導痰開鬱又伏飲作痛者或吐或下視形氣何如當與痰飲門相參治虫痛者面上有白斑點唇若塗硃痛後便能食時作時止詳見虫門

食積死血痛者痛有常處而不移動者是也宜按治

腹中水鳴

丹溪曰腹中水鳴乃火擊動其水也蓋水欲下火欲上相觸而然用二陳湯加苓連梔子亦有臍寒而水聲汨者宜分三陰部分而治中脘太陰當臍少陰小腹厥陰各從其宜溫之

又有腸胃空虛而鳴者宜參朮之類補之

腹中水鳴而痛亦有因于火因于鬱者

生生子曰觀丹溪治腹痛無定方蓋欲使人認病自擇且方者隅也隅于一則不能圓活而貫通

是以後人有守死方之誚

凡臍下痛而人中黑者多死

○感暑而痛或泄痢併作其脉必虛宜十味香薷飲或六和湯

感濕而痛大便溏泄小便不利其脉必濡宜胃苓湯

食積痛常欲大便去後而痛減者是也宜溫宜消久者遇仙丹神芎丸等擇而下之當與傷食門相參治氣滯而痛其脉必沉宜木香順氣散

死血痛：有常處宜桃仁承氣湯

痛而欲得熱手按及熱物熨者是寒宜香砂理中湯或五積散

痛而熱手熱物熨不止者是熱宜黃連解毒之類實則以硝黃下之

絞腸沙痛極是急速先與鹽湯探吐或委中并十指出血藿香正氣散正氣天香散

酒積痛 酒傷則發宜泄其積痛自止也 多年敗田螺殼煨存性加三倍于木香檳榔丸

中更加山茵陳等分衆藥中其効甚速

禦痛湯 治火痛

黃連煨汁 山梔仁炒各錢二 橘紅 茯苓錢半

草薢仁七分 半夏錢一 甘草分四 姜三片食前服

星半安中湯 痰積作痛

南星 半夏錢半 滑石 香附 枳殼 青皮

木香 山梔仁炒 蒼朮 砂仁 茯苓 橘紅

錢各一 甘草分四 生姜四片煎服

氣攻痛者去南星滑石加厚朴玄胡索錢各

痰甚者加白螺壳烧灰一錢臨服調下

木香順氣散 氣滯腹痛

木香 香附 檳榔 青皮 陳皮 厚朴

蒼朮 枳壳 炒砂仁 各錢二 甘草 五分 姜三片煎服

香砂理中湯 即理中湯加藿香砂仁

小腹痛

傷寒家蓄血在下焦宜抵當桃仁承氣之類若因氣鬱而痛以青皮主之寒者以桂枝吳茱萸溫之若因疝奔豚癥聚者又當循各門施治

苦練丸 治奔豚小腹痛寒也

苦練 茴香 大附子 三味酒煮焙乾末之

每兩入玄胡末半兩全蝎炒丁香各十八箇

為末酒糊丸梧子大每食前溫酒下五十九

酒煮當歸丸 治小腹痛及疝

當歸 兩 茴香 兩 附子 錢七 良姜 錢七 四味酒煮乾

再焙加後藥 鹽 炒 丁香 各半 全蝎 錢二

柴胡 升麻 木香 各錢一 苦練 五分 甘草 錢五 玄

胡索 錢四 為末酒煮糊丸梧子大 每二三十丸 空心白湯下

小腸癰作痛者其身甲錯腹皮急按之濡如腫狀
腹常痛或透臍生瘡急宜下之或以雲母膏太
乙膏為丸服之自愈

脇痛門

有風寒脉浮弦而有食積脉沉弦而有痰飲或弦

或結有死血脉瀦有虛脉弦而細數有氣鬱脉沉

有火脉洪滑當分條類析明別左右施治

經曰左右者陰陽之道路氣之所終始也又曰肝
木氣實則脇痛肝氣實則怒夫謂實者指邪氣
而言經曰邪氣盛則實是也

脇痛屬肝木及胆火木氣實者以柴胡川芎青皮
蒼朮踈之肝火盛者以當歸龍會丸瀉之死血

積者以桃仁紅花香附川芎破之痰飲流注者
以南星半夏蒼朮川芎豁之鬱宜開鬱寒宜散
寒以大法也

兩脇走痛是痰實者可用控涎丹

方見痰飲門

左脇痛為肝經受邪宜枳芎散或柴胡疎肝散

右脇痛為肝經移病于肺宜推氣散

食積痛 凡痛有一條扛起者是也當于積塊門

氣弱人脇痛脉細緊或弦多從勞役怒氣得者八

物湯加木香青皮

肥白人氣虛發寒熱而脇下痛用參芪補氣柴胡

黃芩退熱木香青皮調氣

瘦人發寒熱脇痛多怒者必有瘀血宜桃仁紅花

柴胡青皮大黃滑石

去滯氣必用青皮乃肝胆二經之藥若二經血不足者先當補血少加青皮可也

脇痛發寒熱似覺有積塊必從飲食大飽勞力所致必用龍會丸

痰飲停伏脇痛宜導痰湯

脇下痛而大便秘結者木香檳榔丸或龍會丸亦有虛寒而作痛者一人脇痛連膈服氣藥不効後用辛熱補劑下黑鉛丹而愈

解痛外以琥珀膏貼之或以白芥子水研敷之或吳茱萸醋研敷之韭菜炒熨亦佳

當歸龍會丸 肝木實火兩脇痛之要藥

當歸 龍胆草各酒洗 山梔 黃連 黃芩各一两半

蘆會 大黃酒煨各五錢 木香半錢 黃柏一两 青皮一两

柴胡五錢 射香許少 右木神麩糊丸 梧子大每湯下三五十九

枳芎散 左脇痛

枳實炒 芎藭各五錢 甘草炙半錢

為末每二三錢姜棗湯或酒調下

推氣散 右脇痛

片姜黃 枳壳炒 桂心各五錢 甘草炙三錢

為末每服二錢姜湯調下

鷄鳴散 跌蹶損傷瘀血停積脇內日久作痛

復元活血湯 從高墜下惡血流于脇下疼痛不可忍

二方見跌蹶門

柴胡瀉肝湯 鬱怒傷肝左脇痛

柴胡二分 甘草五分 青皮 芍藥各一錢 黃連炒

山梔炒 龍膽草各八分 川歸二分 水煎服

死血作痛瘦人多怒者常患此

桃仁個 紅花 川芎 柴胡 青皮各 芍藥

香附銖 乙歸尾半錢 水煎服

治脇下氣痛神方

小茴香炒 枳殼炒 錢為末每二錢鹽湯調下

心痛門

真心痛者手足青至節旦發夕死夕發旦死寒邪傷其君主也今之治例皆非真心痛也以其在心之部位而名或心之脉絡或手心主之脉絡或胃脘或胸膈或食傷或寒傷或氣逆或痰飲或死血或虫或鬱火皆致痛也

鍼經曰足太陰之脉其支者復從胃別上膈注心中是動則病舌本強食則嘔胃脘痛腹脹善噫心下急痛 胃病者腹膈脹胃脘當心而痛上

反兩脇咽鬲不通 脉經曰憂愁思慮則傷心
傷心則苦驚喜忘善怒心傷者其人勞倦即頭
面赤而下重心中痛徹背其脉弦此心臟傷所
致也 諸虫痛者如心腹痛懊懣發作腫聚往
來上下行痛有休作心腹中熱善渴涎出面色
乍青乍白赤嘔吐清水者魛也

病機要曰有大實而心中痛者因氣而食卒然
發痛大便或秘久而心胸高起按之至痛不能
飲食急以煮黃丸利之利後以藁本湯去其邪

也有寒厥心痛者手足逆而通身冷汗出便溺
清利或大便利而不渴氣微力弱急以朮附湯
溫之寒厥暴痛非久病也朝發暮死急當救之
是知久病無寒暴病非熱也

陳無擇云若諸經心痛心與背相引心痛徹背背
痛徹心若諸府心痛難以俛仰小腹上冲卒不
知人嘔吐泄瀉此皆外感內淫則其氣閉塞鬱
于中焦氣鬱爭發為疼痛又曰九種心痛曰飲
曰食曰風曰冷曰熱曰悸曰虫曰疰曰去來痛

者除風熱冷屬外所因餘皆不內外更婦人惡
血入心脾經發作疼痛尤甚于諸痛更有卒中
客忤鬼擊尸症使人心痛亦屬不內外因在人
以意推克施治

丹溪云凡心膈之痛須分新久若明知身受寒氣
口食寒物而病于初得之時當用溫散或溫利
之藥若其病得之稍久則成鬱矣鬱則蒸熱熱
久必生火原病式中備言之矣若欲行溫散溫
利寧無助火添病即由是古方多以山梔為君

加熱藥為嚮導則邪易伏病易退然向安之後
若縱恣口味病必復作凡治此病必要先問平
日起居何如假如心痛有因平日喜食熱物以
致死血滯于胃口作痛者用桃仁承氣湯下之
治寒之劑

金匱赤石脂丸 心痛徹背、痛徹心此寒厥痛

烏頭炮 錢 附子炮 五錢 蜀椒 乾姜 赤石脂各

右末蜜丸梧子大食後白湯下一丸日三服

木附湯 寒厥暴痛脉微氣弱

甘草一兩 白朮四兩 附子一兩 炮 每三錢姜棗煎

立應散 寒痛氣痛腹痛皆効

良姜 香附各分炒 為末白湯調下二錢

二姜丸 養脾溫胃去冷消痰治心脾痛寬胸下

氣進飲食一切冷物所傷並皆治之

乾姜炮 良姜 等分為末麵糊丸梧子大每服

十五丸至二十九丸食後陳皮湯下妊婦人

不宜服此皆溫中之藥也

○散寒之劑

麻黃桂枝湯 外因心痛惡寒發熱內攻五臟拘

急不得轉側 麻黃 桂心 芍藥 細辛

乾姜 甘草錢各七半 半夏 香附錢各五 每服五

錢姜片五水煎食前服大便秘入大黃量虛實加減

一人心痛諸藥不効服此而愈

檳榔 桂心 葛根 甘草減細辛 半夏

桔梗 枳殼 川芎 防風 等分水煎服

草豆蔻丸 客寒犯胃

草豆蔻一錢 吳茱萸炮 益智仁 姜蚕炒 當歸

身 青皮各分神曲 姜黃各分四 甘草分三 桃仁個六

半夏一錢澤瀉一錢利小便 麥芽錢半 炙甘草分六

柴胡四分詳脇痛 人參 黃芪 陳皮

右除桃仁另研如泥外為極細末同研勻湯浸蒸餅為丸梧子大每三十九丸熱湯下臞遠

治心痛

荔枝核燒存性為末醋湯下二錢

內傷飲食之劑

煮黃丸 治飲食過多心腹脹滿脇肋走氣痲痺刺痛

雄黃研一兩巴豆五錢去皮入白麵二兩同研勻

滴水丸梧子大滾水煮十二丸瀝入冷水內令沉冷每用時用浸藥冷水下一丸一日十

二時盡十二丸以利為度不必盡劑

藁本湯 治大實心痛大便已利宜以此徹其痛也

藁本研蒼木一兩水煎溫服

飲食在膈上未入胃者宜吐之經曰在上者因而越之如瓜蒂散之類

氣痛之劑

正氣天香散但忍氣則發

七氣湯

蘓子降氣湯見氣門

治痰飲痛劑

丹溪方 痰飲停積胃脘作痛

螺螄殼墻上者煨滑石炒蒼朮 山梔 香附

南星各三兩枳殼 青皮 木香 半夏 砂仁各五錢

右末生姜汁浸餗餅為丸菜豆大每三四十

丸姜湯下春加川芎夏加黃連冬加吳茱萸兩

又方 治痰心痛

半夏油炒為末每服二錢姜湯下 痛甚者大

陷胸湯改為丸亦可

治死血痛劑

丹溪方 治死血胃脘痛者

玄胡索半兩桂 滑石 紅花 紅麩各五錢

桃仁三十個 右末湯浸餗餅糊為丸

桃仁承氣湯 方見傷寒門

斗門方 血氣攻心痛不可忍

蓼根剉酒浸服之瘥

治火鬱之劑

丹溪方 治火痛

黃連

山梔

炒各二錢

陳皮

茯苓

各半錢

半夏

一錢

草豆蔻

七分

甘草

四分

姜三片水煎食前服

又方 治火痛

山梔仁

姜汁一兩

炒

水煎磨木香

三分

或加川芎

二錢

雜方

牡蠣煨

為末每二錢酒調下

失笑散 有人心痛百藥不効用此而愈

五靈脂

蒲黃

等分為極細末以醋調二錢

熬成膏入水一盞食前溫服有瘀血作痛加

玄胡沒藥螺螄殼陳年日久者治心痛洗淨

為末熱酒調下一錢半

乾漆丸

九種心痛脇積聚滯氣

乾漆二兩搗碎炒去烟細研醋煮麵糊丸梧子

大每服十五丸至十七丸熱酒下醋湯亦好

不拘時日進二服

蚕沙散

男婦心氣痛不可忍

晚蚕砂

不拘多少

為末用滾水泡過瀝淨

取清水服立止

慰法

治心腹俱痛以包川椒薄注腹上火慰令

椒汗出良

梅硫丸 酸熱以收散寒凡服辛劑反甚者改服酸劑立愈

冰梅去核生硫黃 為末相和搗勻以可丸為

度作一九白湯下立愈病不再作

濟世方 治心痛

稀菝草搗汁醋汁相和服立效昔有人服此吐

虫二條終身不發

綠礬止痛方 綠礬七八分好酒化下再不發

衍義方 治心痛

銅青一味淡醋湯呷小服之

治虫之劑可與虫部參治

化虫丸 霍亂 檳榔 胡粉炒 苦練根去厚皮各五十兩

白礬飛兩 為末麩糊丸桐子大小兒疾病多

有諸虫或因臟腑虛弱而動或咽食甘肥而

動：即腹中疼痛徃來上下攻心痛則笑不

休合眼仰身撲手心神悶亂嘔噦涎沫或吐

清水四肢羸困面青黃色飲食雖進不生肌

肉或寒或熱沉、默、不明知病處一歲五

九溫水下入香油一二點打勻下之

米飲亦得
其重自下

生生子曰已上論寒熱痰氣虫痛火食等痛治法

皆已備矣但病久正氣虛損及稟賦素弱之人

或被峻利伐大過以致羸弱而痛不愈者皆虛

痛也當從補養氣血此根本之治不可全恃攻

克以致虛之禍予嘗治于病壞之後
補藥收功者多

黃芪建中湯隨症加減 治虛弱及被克伐損傷

局方蘊合丸 治疰忤鬼氣卒心痛甚妙

山范并劫藥止之不効者 玄明粉一服立止

胸滿胸痛胸痺

肝虛則胸痛引背脇實則胸痛不能轉側喜太息

仲景曰肝中寒者兩臂不舉舌本燥喜太息胸

中痛不得轉側食則吐而出汗也肝著其人常

欲踏其胸上先未苦時但欲飲熱旋覆花湯

素問曰陽明所謂胸痛短氣者水氣在臟腑也水

者陰氣也陰氣在內故胸痛少氣也

仲景治胸痺之病喘息咳唾胸背短氣寸口脈沉

而遲關上小緊數者宜以瓜蒌薤白白酒湯注

大瓜蒌

一個 搗碎 薤白半斤 白酒七升

三味同煮取二升分温再服

一婦人患胃中痞急不得喘息按之則痛脉數且

瀦此胸痺也因與小陷胸湯二劑而愈

支飲胸滿者枳朴大黃湯主之

厚朴

一兩 大黃六兩 枳實一兩

水五升煮取二升分温再服

斗門方 治胃腹壅滯去痰開胃

半夏泡淨焙乾為末生姜自然汁和為餅子用

湿紙包于慢火中煨令香熟水一盞用餅子

一塊如彈子大入鹽半錢煎取一盞温服大

能去胸膈壅逆大壓痰毒及治酒食所傷其

功效大矣

一人年二十三歲膈有一點相引痛吸氣皮覺急

此有汚血也

滑石一兩 桃仁五錢 黃連五錢 枳殼一兩

甘草二錢

為末每服一錢半以蘿蔔自然汁

煎熟飲之一日五六服

一人因服温補藥又妄自學吐納以致氣亂血熱

嗽血消瘦膈間有一點氣梗痛似有一條系垂
映在腰與小腹皆痛大率偏在左邊此肝部有
惡血也 滑石 枳殼炒 各一兩 黃丹錢三 黃連

柴胡錢五 紅花錢一 桃仁兩二 甘草錢二 為細末每

服錢半以蔓蔔汁煎沸服之有寒邪于于胸
中者宜發散之如紫蘊前胡杏仁防風桂枝

葛根之類

茯苓杏仁甘草湯 治胸痺胃中氣塞短氣

茯苓兩二 杏仁五十箇 甘草兩一

水一斗煮五升溫服一升一日三服

橘枳姜湯 治同上

陳皮斤一 枳實兩二 生姜斤半 水五升煮二升分溫服

千金方 治胸痺氣滿壅心膈不利

枳實兩二 麩炒為末清米飲下二錢

仲景薏苡附子湯 治胸痺緩急

苡仁兩五 大附子個一 為末每服方寸七日三

旋覆花湯 治胸中嘈雜汪洋常覺冷涎泛上元

元欲吐飽悶

旋覆花 橘紅 半夏 茯苓 甘草
厚朴 芍藥 細辛 姜三片水煎服

虫痛

虫本温熱所生臟腑虛則侵蝕

療寸白虫錫灰蕪萸檳榔極佳宜和中一人每覺
心中多嘈雜意欲作飲又疑虫漫依此方翌日
下長虫二條一長一尺五寸頭匾潤尾尖銳每
寸作二節班如錦紋一條皆寸斷矣

千金方云勞則生熱則生虫心虫曰蛔脾虫曰

寸白腎虫如刀截絲縷肝虫如爛杏肺虫如蚕
皆能殺人惟肺虫為急居肺葉內蝕人肺系故
成瘵疾咯血聲嘶藥所不到治之為難道歲中
載諸虫頭皆向下行惟自初一至初五日以前
頭上行故服藥多取月出以前蓋為此也

取寸白虫方

錫灰一兩木鱉子 蘆會文二十黃丹文十輕粉文十

為末猪膏油丸桐子大先一日食素晚莫喫
飯次早五更温水調下分二服

又方 畫粉 蜜佗僧 各等分為末每二錢用
麻油調服空心下頃刺成涎取下

虫蠱之生由飲食不節傷飢過飽喜啖腥膾多食
生冷酷嗜麪蘖愛食肥甘臟腑虛弱濕熱內淫
則生虫積也

三虫者謂長虫赤虫蟻虫也乃有九種而蟻人多
病之寸白虫從食牛肉飲白酒所成相連一尺
則殺人服藥下之盡出乃佳蟻虫多小兒患之
大人亦有令人口吐清汁心痛煩躁乍作乍止

其餘各種總不利于人胃中若有者宜化虫丸
速除之

腹內熱腸胃虛虫行求食上唇有瘡曰惑虫食其
臟下唇有瘡曰狐虫食其肛得此疾者十無一
生也

寸白虫上半月虫頭向上易治下半月向下難治
先以肉汁或糖蜜引虫頭向上然後用藥
集効丸

木香 鶴虱 炒 檳榔 訶子 麩包 煨 蕪荑 炒

附子炮去乾姜各七錢半大黃半兩烏梅十個

右末煉蜜丸麻子大每三四十九陳皮湯或淡醋湯下

秘方萬應丸 大人小兒腹內有虫及積氣塊痛

小兒疳病 三稜 莪朮烙醋陳皮燻橘紅

史君子肉 麥蘖麩炒神麩炒雷丸 乾漆炒

五錢各檳榔兩一蕪荳半錢鶴虱炒胡黃連炒甘草

炙各木香良姜陳壁砂仁各二錢右末醋米糊

為丸菜豆大每三五十九空心淡姜湯下

靈礬散 治小兒虫咬心痛欲絕

五靈脂末二錢白礬五錢

每服二錢水煎服不拘時虫出即愈

安虫散 凡虫不可盡去宜安之

檳榔 胡粉 蘖川練子核皮鶴虱二炒各一錢

半右末每服一錢米飲調下

川練丸 上中二焦虛或胃寒虫動作痛

乾漆炒烟雄黃五分巴豆霜錢

右末麵糊丸黍米大看大小與服取東向石

榴根煎湯下痛者若練根湯或蕪荳湯下

蕪荑散 治諸虫作痛臨發時服

白蕪荑 去扇乾漆炒烟 各等分為末每一錢米飲下

化虫丸 治小兒疳虫五心煩熱

蕪荑 黃連 神麩 炒 麥蘖 炒各

右末麵糊丸黍米大空心米飲下

制虫制勞悅肌膚去勞熱

檳榔 一兩 龍膽草 一兩 乾漆 五錢 為末煉蜜丸梧

桐子大每十九至十五丸滾水下

木香三稜散 腹中有虫面色痿黃一切積滯

黑丑 半生半熟 大腹子 檳榔 雷丸 錫灰 炒醋

三稜 煨 蓬朮 煨 木香 大黃 各一兩

為極細末每三錢空心蜜水調下或砂糖水

下須先將燒肉一片口中嚼之休嚥下吐出

口中肉汁後服藥

丹溪治蛔虫吐清水氣口刺痛取生艾汁隔夜勿

食次早五更以肥香脯方寸匕先喫令虫聞香

隨即飲汁一升必下蛔虫凡胸喉中覺有虫上

下偏喜聞葱豉油食之香者兩三日不食開口

而卧將豉煎葱油令香放口邊虫當自出引而
去之但隨喜所物用之亦可

古有一人忽患一疾凡惡心則吐血數條後乃頻
作累治不効每用殺虫藥則吐虫愈多招孫尚
先生診之曰六脉皆細非虫也今雖吐虫乃臟
寒而虫不安失居上膈因而吐出復用殺虫藥
虫為藥所苦不能自安所以虫吐愈多也硫黃
附子各一两為末粳米糊丸每服三十九飲下
之五服後再不吐虫而痛亦止

仲景曰凡腹中痛其脉當沉弦今反洪大故有蛔
虫熱則生虫故脉洪大

嘔吐噦門

生生子曰機要云有聲有物謂之嘔無聲有物謂之吐空嘔濁惡而聲長謂之噦要知噦屬陽而吐屬陰也無形者肺有形者胃以胃兼氣血言也又云上焦吐者為氣中焦吐者為食積下焦吐者為寒內經云食不得入是有火也食入復出是無火也有飽後逢怒或傷力跌撲以致瘀血積于胃脘者有膽虛及風痰作吐者有胃虛而虫行求食者有中氣虛弱者有風寒外襲者

有鬱火作痛而吐者有傷酒而嘔吐者有脚氣發而吐者惟細心體認治之無不愈矣

東垣云大便閉者通利之陰虛邪氣逆上窒塞嘔噦不足之病此地道不通也正當用生地黄當歸桃仁紅花之類和血潤燥兼用甘草以補其氣微加大黃芒硝以通其閉大便利邪氣去則氣降嘔噦自不見矣復有胃中虛熱穀氣大虛發而為嘔噦者但得五穀之陰以和之則嘔噦自止五穀皆屬陰或食或飲白湯或喜凉水皆

能止嘔噦不必用藥也治嘔吐生姜半夏橘皮必用之聖藥但只治上焦氣壅表實之病若胃虛穀氣不行胸中閉塞而嘔者惟宜益胃推揚穀氣而已勿作表實以辛藥瀉之

東垣嘔吐噦分為三陽經云嘔吐噦者皆屬於胃胃者總司也以其氣血多少為異耳且如嘔者陽明也陽明多血多氣故有聲有物氣血俱病也仲景云嘔多雖有陽明症慎不可下

孫真人云嘔家多服生姜乃嘔吐之聖藥也氣逆

者必散之故以生姜為主吐者太陽也太陽多血少氣故有物無聲乃血病也有食入則吐有食已則吐以陳皮去白主之噦者少陽也少陽多氣少血故有聲無物乃氣病也以姜製半夏為主故朱奉議治嘔吐噦以生姜半夏陳皮之類究其三者之源皆因其脾虛弱或因寒氣飲食所傷而致也宜丁香藿香半夏茯苓陳皮之類若但只內傷宜察其虛實使內消之痰飲者下之當分何經對症用藥不可亂也

嘔吐膈氣總論

潔古云吐有三氣積寒也皆從三焦論之上焦在胃口上通天氣主納而不出中焦在中脘上通天氣下通地氣主腐熟水穀下焦在臍下下通地氣主出而不納是故上焦吐者皆從于氣者天之陽也其脉浮而洪食已暴吐渴欲飲水大便燥結氣上衝胸而發痛其治當降氣和中焦吐者皆從于積有陰有陽食與氣相假為積而痛其脉浮而弦其症或先痛而後吐或先

吐而後痛治法當以小毒藥去其積檳榔木香
和其氣下焦吐者皆後于地道也其脉大而遲
其症朝食暮吐暮食朝吐小便清利大便秘而
不通治法宜毒藥通其閉溫其寒氣大便漸通
以中焦藥和之不令大便閉結而自安也

右潔古論三焦吐蓋本黃帝所謂氣為上膈食
飲入而還出為下膈食晬時乃反出之其上焦
食已暴出者今世謂之嘔吐也中下二焦朝食
暮吐暮食朝吐者今世謂之膈氣反胃也今分

嘔吐膈食為二門

仲景云諸嘔吐穀不得下小半夏湯主之

嘔家本渴渴者為欲解今反不渴心下有支飲
故也小半夏湯主之

卒嘔吐心下痞腸閉有水眩悸者小半夏加茯苓
湯主之胃反嘔吐者大半夏湯主之服前小
半夏湯諸湯不愈者此胃虛當以甘益之立愈

治氣之劑

仲景陳皮湯 乾嘔手足厥者治宜辛散

橘紅四兩 生姜八兩 水七升煎三升溫服一升即下愈

木香散

木香 檳榔 等分為細末以後桔梗湯調下

潔古桔梗湯 上焦氣熱上衝食已暴吐脉浮洪

宜先降氣和中

桔梗 白朮各一兩半 半夏麴二兩 橘紅 枳實炒

茯苓 厚朴各二兩 每服一兩水煎調木香散二

錢隔夜空腹服之三服後氣漸下吐漸去然
後去木香散加芍藥黃芪一兩半同煎服之

病愈則止如大腑燥結食不盡下以大承氣

湯去朴硝微下之少利為度再服前藥補之

如大便復結又依前微下之

檳榔橘紅散 治嘔吐

白檳榔一枚 橘紅二錢半 水煎服

治寒之劑

加減二陳湯 痰火為患嘔噦頭眩心悸中脘不

快發寒熱或食生冷脾胃不和並治

丁香一兩半 半夏 陳皮各五兩 茯苓二兩 甘草半兩

每服四五錢姜三片烏梅一枚水煎熱服

治痰痞加草豆蔻一兩半

藿香安胃散 脾胃虛弱不飲食嘔吐不時

藿香一錢半 丁香 人參各二錢 橘紅五錢

每服二錢姜三片水煎服

東垣丁香吳茱萸湯 治嘔吐噦胃寒所致

丁香 甘艸 茯苓 柴胡 半夏 乾姜各

分吳茱萸 草豆仁 蒼朮 黃芩 人參各

錢升麻七分 當歸一錢半

每服五錢姜三片水煎食前熱服忌生冷

藿香平胃散 治嘔吐不止

藿香 厚朴各一兩 半夏 甘草各二兩 蒼朮三兩

陳皮二兩 白朮每服五錢 姜三片棗三枚水煎溫服

羅太無紅豆丸 諸嘔吐逆膈氣反胃亦治寒濕

丁香 胡椒 砂仁 紅豆各二粒

右末姜汁糊為丸皂角子大每一丸以大棗

一枚去核填藥麵裹燒麵熟去麵細嚼白湯

下食前進三服効

丁香附子散 膈氣吐食及下焦寒而奔豚上冲

黑附子炮去皮臍丁香各錢五檳榔一枚大硫黃硃胡椒

錢二右先將四味為末次入硫黃再研勻每服

二錢用蝙蝠一筒去翅足腸肚填藥在內用

濕紙五七重裹定置慢火內燒熟取出細嚼

用溫酒送下一日三服米飲送下亦可

仲景吳茱萸湯 治嘔而胃滿者

吳茱萸湯泡一人參三分生姜半兩大棗三枚水煎

治火之劑

蘆根湯 熱而嘔吐不止及治惡阻

蘆根取土中新白者半斤水二碗煎一碗熱服

竹茹湯 治胃熱而嘔

乾葛 半夏各三錢甘草二錢

每服五錢姜片三錢竹茹半錢棗一枚水煎溫服

昔有人病傷寒得汗後數日忽嘔吐藥食俱不得

下醫皆進丁香藿香滑石等藥下咽即吐後以

此竹茹湯與之即愈

枇杷散 治嘔吐利膈氣止嘔啞又治卒嘔吐不

食單煮枇杷葉汁飲之此物味苦平下氣

枇杷葉人參錢半夏各一錢茯苓錢五茅根兩二

姜七片水煎磨檳榔末五分和勻服之

丹溪治膈上有熱胃中有痰二陳湯加炒梔子黃

連生姜主之嘔而發熱者小柴胡湯主之溫膽

湯治嘔吐不下飲食極妙

仲景青鎮丸 治寒熱往來脉弦嘔吐頭痛即小

柴胡湯加青黛以姜汁打糊為丸白湯下

劉河間治暴吐上焦氣熱所冲經曰諸嘔吐酸暴

注下迫皆属于火脉浮而洪者荆黃湯主之

荆芥一人參五錢甘草二錢大黃二錢

右水煎調檳榔散二錢空心服

檳榔散 檳榔二錢木香乙錢輕粉少許

右為細末同前煎藥下如欲作丸子用蒸餅

糊為丸小豆大每二十九食後服

治瘀血之劑

香靈丸又名六丁丸治嘔吐如神及產後嘔不止者

丁香 辰砂六錢五靈脂一兩 右香脂先研末後

入砂再研勻用狗膽汁或猪膽汁為丸雞頭子大每服一九生薑陳皮湯磨下

治痰血獨以五靈脂狗膽汁為丸雞頭子大每服一九生薑湯磨下及生薑酒送下極熱服

草靈丹 五靈脂姜汁甘草燒酒

焙乾為末每服五分置掌中用舌舐下此方

治膈氣反胃嘔吐梅核氣及胃脘疼痛効

治虛之劑

丹溪云久病嘔吐者胃虛不納穀也

生薑 人參 黃芪 白朮 香附治之類

李逢治反胃嘔吐無常粥飯入口即吐困倦無力垂死者以人參三兩作一服水煮帶熱頓服愈

理中湯 治脾胃虛寒嘔吐不食

調中湯 治脾胃虛弱嘔吐

治中湯 治霍亂吐瀉即理中湯加橘紅青皮各一兩是也

六君子加砂仁治脾胃虛弱惡心欲吐及吐食或

治積氣之劑

遇仙丹 木香枳榔丸 枳實導滯丸 七聖丸

皆可選用

治風痰之劑

金花丸 吐食而脉弦肝乘脾也由脾胃之虛宜

治風安胃

半夏

湯一兩

檳榔

錢二

雄黃

錢一

右末姜汁浸餗餅糊為丸桐子大小兒另丸

姜湯下從少至多漸次服之以吐止為度風

痰羈絆於脾故飲食不下也

治水飲之劑

小半夏湯

治嘔吐穀不得下者

半夏

一斤

生姜

半斤

水

七升

煮取

一升

半分溫再服

小半夏加茯苓湯

治卒嘔吐心下痞腸閉有水

眩悸者即前方加茯苓四兩

大半夏湯

治胃反嘔吐服前小半夏湯諸藥不

愈者此胃虛宜以甘益之服此立愈

半夏

二斤

人參

三兩

白蜜

一斤

右水

一斗

三升和蜜揚

之二百四十遍煮藥取三升從服一升

餘分再服

猪苓湯

治嘔吐而病在膈上後思水解急與之

思水者此湯主之

猪苓

茯苓

白朮

各一分

為末飲調方寸七日三

胃風

胃風之症治嘔愈嘔者是也用川烏一兩洗淨去皮臍不去尖以漿水一碗煮乾每枚切作二片復用漿水一碗煮盡更切作四片每細嚼一片以少溫水下少頃嘔遂止此皆好食甘甜之物膏粱之味積久成熱因而生風非一朝一夕之雜方碧霞丸 治吐逆立効

黃丹四兩節過用好米醋半斤用藥入銚內煎乾却用炭火三斤就銚內煨透紅冷取出研細末用粟米飯搗為丸梧子大煎醇湯下七丸効木瓜湯 主嘔哕風氣又吐而轉筋者煮木瓜汁飲之甚良此酸收之劑欲吐不吐者是也

惡心

丹溪云惡心有熱有痰皆用生姜隨症用藥仲景生姜半夏湯 治胸中似喘不喘似嘔不嘔似噦不噦徹心中憤々然無柰者

半夏

斤半 生薑 一斤

取汁

右二味以水三升煮半夏

取二升內生姜汁同煮二升半少冷分四服
日三夜一如病止住後藥 此溫痰症也

東垣茯苓半夏湯 胃風虛弱身重有痰惡心欲

吐是邪氣羈絆于脾胃之間當先實其脾胃

炒麴三錢大麥芽炒黃五錢陳皮 天麻各二錢白木

茯苓 半夏各一兩每五錢姜五片煎熱服

紫胡半夏湯 治舊有風症不敢見風眼澁眼黑

胸中有痰惡心兀欲吐但遇風覺皮肉緊手

足難舉動重如石若在暖室少出微汗其症隨

減再遇風病復如是 方見痰門

嘔苦水

丹溪治一婦人清早嘔苦水脉瀆而微起轉如常

此胃弱而上脘有濕

黃芩七錢滑石 蒼朮炒陳皮 山查 半夏各二兩

桔梗五錢飛礬二兩 姜水煎服

二陳湯加山梔子一倍黃連減半香附撫芎白豆

仁煎服或臨服時磨檳榔末少許治鬱火惡心

嘔沫反胃症沫大吐者多死予日擊十數人矣

仲景治乾嘔吐逆吐涎沫半夏乾姜散主之

半夏各等分 乾姜各等分 二味為末取方寸匕漿水

一升煎七合頓服之

嘔膿

予一族嫂中年患此半載咳嗽嘔膿血後竟無事此亦肺癰症也膿盡即愈

仲景云嘔家有癰膿不可治嘔膿盡自愈

嘔長虫

丹溪治吐虫用黑錫灰檳榔末米飲調下

仲景治魛厥當吐魛今病靜而復時煩此為臟寒

魛上入膈故煩須臾復止得食而嘔又煩者聞

食臭出其人當自吐魛

魛厥者 烏梅丸主之又主痢 方在厥證門

傷酒嘔吐

東垣葛花解醒湯 方見傷飲門

益元散姜汁為丸治酒熱嘔惡殊驗

乾姜丸 治酒癖成飲吐酸水

乾姜 葛根 枳殼 橘紅 前胡各五錢 半夏

麴 白朮各二錢 吳茱萸 甘草各半錢

右末煉蜜丸桐子大每三十九丸米飲下

嘔吐清水

許學士神木丸 治嘔吐清水如神

蒼朮一斤去皮切片為末用白芝蔴半兩水二

盞研濾取汁大棗十五枚煮爛去皮核以芝

蔴汁研勻成稀膏搜和入白搗熟丸如桐子

大每空心溫湯下五十九加至百丸忌桃李

雀鴿初服時膈上微燥且以茅朮製覺燥甚

再進山梔子散一服久之不覺燥也

山梔散 山梔一味乾之為末沸湯點服

仲景茯苓散 治心胸中有停痰宿水自吐出水

後心胸間虛氣滿不能食消痰氣能飲食

人參 白朮 茯苓 各三兩 枳實 二兩 陳皮 五錢 生姜

三兩 右水煎溫服如人行八九里許又進之 一日三服

丹溪治兩手脉弦飲後嘔清水

神麴 蒼朮 香附 各五錢 益元散 一兩 半夏 七錢

右末姜汁浸餗餅為丸

丹溪治一人年四十因灸艾火太多病腸內下血

糞肚痛今痛自止善嘔清水食不下宜清胃口

之熱 黃芩 甘草 茯苓各五 陳皮 地黃

錢各一 白朮 連翹各一錢半 姜三片水煎服

仲景治渴欲飲水水入則吐日各水逆五苓散主之

千金方治痰飲吐水無時節者其原因冷飲過度

遂令脾胃氣羸不能消于飲食飲食入胃則皆

變成冷水反吐不停皆用赤石脂散主之

赤石脂一斤研細末每服方寸匕酒飲調下時

稍加至三七服盡一斤終身不吐痰水又不

下痢補五臟令人肥健有人痰飲服藥不愈

用此方愈經云諸病水液澄徹清冷皆屬于寒是也

白芫菑散 治胃口寒作吐及作痛者

白芫仁三錢為末酒送下効

噎膈

內經陰陽別論篇曰三陽結謂之膈結謂熱結也

三陽者小腸膀胱也小腸熱結則血脉燥膀胱

熱結則津液涸故隔塞而不便焉其始也或由

飲食不節痰飲停滯或因七情過用脾胃內虛

而作或者不察悉指為寒例用香熱之藥治之

反動七情之火脾胃之陰反有所耗是以病日
益深今治此疾或見咽嗑閉塞胸膈痞悶似屬
氣滯然有服耗氣藥過多中氣不運而致者當
補氣而自運有大便秘結如羊屎者似屬血熱
然有服通利藥過多致血耗竭而愈結者補血
潤血而自行有因火逆冲上食不得入其脉洪
大有力而數者有痰飲阻滯而脉結澹者當清
痰泄熱其火自降又有脾胃陽火衰弱其脉沉
細而微者當以辛香之藥溫其氣仍以益陰養

胃為之輔可也大槩又有寒熱之辨若食已即
吐者火也食久始吐者寒也王註曰食不得入

是有火也食入復出是無火也按內經王註曰

明二陽也太陽三陽也一陽膽與三焦二陽大腸與胃三陽小腸膀胱張子和乃曰三陽者大

傷寒論云食入反吐穀不得前者腎水乾也王冰
曰病嘔而吐食久反出是無水也此與內經病

能篇註異

氣厥論云膈中陽氣與寒相薄故隔食而陽氣不

通此論亦云陽與寒相薄未嘗專主于寒也

丹溪曰大率屬血虛氣虛有痰血虛者脉必數而無力氣虛者脉必緩而無力有痰者脉必沉或伏而大又有氣滯結者寸關沉而濇又有擊跌內積瘀血忽然嘔吐食不能納者其脉必芤張鷟峰曰噎當是神思間病惟內觀自養庶或可安又曰噎生于血乾血陰也陰主靜內外兩靜則臟腑之火不起而金水二臟有養陰血自生腸胃津液傳化合宜何噎之有

古方用人參以補脾御米以解毒竹瀝以清痰乾姜以養血粟米以實胃蜜以潤燥姜以去噦有氣結者用開導之劑有陰火上炎者作陰虛治有積血者當消息去之

糞如羊屎者不治五十以上者不治口中多出白沫者不治

治法大槩用童便韭汁姜汁竹瀝牛羊乳氣虛入四君子湯血虛入四物湯切不可驟用辛燥之藥宜薄滋味宜用乾蒸餅等物少用湯粥

六節藏象云人迎四倍以上為格陽蓋陽上之極
故格拒而食不得入

金匱云病人脉數、為熱當消穀引飲而反吐者
以發其汗令陽微膈氣虛脉乃數、為客熱不
能消穀胃中虛冷故也脉弦者虛也胃氣無餘
朝食暮吐變為胃反寒在于上醫反下之今脉
反弦故名曰虛

跌陽脉浮而濡浮則為虛濡為傷脾、傷則不磨
朝食暮吐暮食朝吐宿穀不化名曰胃反脉緊

而濡其病難治

氣虛胃反右手脉無力者

四君子湯加蘆根 以伏龍肝浸長流水澄清
煎之臨服入童便韭汁牛羊乳入黑驢尿和
服以防其生虫

參苓白朮散 錢氏白朮散皆治中氣虛弱胃反
血虛胃反左手脉無力者以四物湯加童便或再
加桃仁紅花 有酒積加甘蔗汁
二陳湯合平胃散 治有痰而胃反者

人參利膈丸 治胸中不利痰嗽喘滿而膈

木香 檳榔各七錢半 人參 川歸 藿香

甘草 枳實各一兩 大黃酒浸 厚朴各二兩

右末滴水丸梧子大溫水送下

千葉白木槿花陰乾為末陳皮湯調下三五口不轉再服

奇方

未出毛啄木鳥 蝙蝠 小鮎鴨魚 三味入

新瓦內鹽泥固濟煨存性為末外用狗寶為

末和勻每服五七分漸至一錢姜湯下

又方 陳蜆殼燒灰米飲下

老牛涎如棗核大水中飲之終身不復噎

又方 芦根 茅根各二兩 水四鍾 煮二鍾頓服之良

姜附散 膈氣不通胸膈間結塊大如拳堅如石

嘔吐惡心飲食不下

香附子一斤 生姜三斤 搗取汁浸香附一宿晒乾再

浸再晒以姜汁盡為度為末每二錢米飲下

病機紫沉丸 治中焦吐食由食積與寒氣相格

故吐而痛 半夏麴 代赭石 砂仁各三錢